

U G O V O R
Br 0602-4872-6/20
Nabavku geodetskih usluga

UGOVORNI ORGAN: KJKP «POKOP» d.o.o.Sarajevo, Mula Mustafe Bašeskije 38, kojeg zastupa direktor Goran Cerić (u daljem tekstu: Ugovorni organ)
ID broj: 4200119040004, porezni broj PDV: 200119040004

DOBAVLJAČ: „IGA-3D”d.o.o. Ilijaš, Lješevu 4, kojeg zastupa direktor Semir Turbo (u daljem tekstu: Dobavljač)
ID broj: 4201365610002, porezni broj PDV: 201365610002.

UVODNE ODREDBE

Član 1.

Ugovorne strane sklapaju ovaj Ugovor na osnovu provedenog direktnog sporazuma javne nabavke – zahtjeva za dostavljanje ponude broj 0602-4872-3/20 od 02.12.2020. godine – nabavku geodetskih usluga, prihvaćene ponude Dobavljača broj 0602-4872-4/20 od 02.12.2020. godine i Odluke o odabiru ponuđača, broj 0602-4872-5/20 od 03.12.2020. godine.

PREDMET UGOVORA

Član 2.

Predmet ovog Ugovora je nabavku geodetskih usluga i to:

- Snimanje postojećeg stanja terena uz saobraćajnicu – Aleja veterana
- Snimanje šahtova uz saobraćajnicu Aleja veterana
- Iskolčenje puta u dužini od 300 m uz novih 55 duluma kč 774/1
- Snimanje postojećih saobraćajnica i linije grobnih mjesta za projektovanje 700 grobnih mjesta – Aleja veterana
- Iskolčenje 700 grobnih mjesta – Aleja veterana
- Snimanje postojećeg stanja i snimanje sloja i obračun masa parkinga ispred krematorija parkinga
- Snimanje sloja i obračun masa kompletnog parkinga sa izradom poprečnih profila.

UGOVORENA CIJENA

Član 3.

Ugovorena cijena za usluge iz člana 2. ovog Ugovora iznosi:

Cijena usluga koja su predmet ovog Ugovora bez PDV-a iznosi	3.950,00 KM
PDV na ponuđenu cijenu usluga iznosi	671,50 KM
Cijena usluge koja su predmet ovog Ugovora sa PDV-om iznosi	4.621,50 KM

Cijene za vrijeme trajanja ugovora ostaju ne promjenjene.

PLAĆANJE

Član 4.

Ugovorni organ će plaćanje cijene iz člana 3. ovog Ugovora izabranom Dobavljaču izvršiti nakon izvršene usluge u roku od 10 (deset) dana nakon prijema uredno ispostavljene fakture za izvršene usluge.

Dobavljač je dužan izdati/sačinuti fakturu u skladu s odredbama pozitivnih propisa iz oblasti poreza, u suprotnom ista neće biti plaćena i biti će vraćena Dobavljaču na usklađivanje.

Uslovi plaćanja i drugi uslovi koje Dobavljač jednostrano unese u fakturu ne obavezuje Ugovorni organ ni onda kada je fakturu primio, a nije joj prigovorio.

ROK REALIZACIJE

Član 5.

Ponuđač se obavezuje da će usluge definisane Članom 2. ovog Ugovora izvršiti u roku do 10 (deset) kalendarskih dana od dana davanja potrebnih podataka od strane naručioca.

UGOVORNA KAZNA

Član 6.

U slučaju kašnjenja u izvršenja usluga do kojeg je došlo krivicom odabranog Dobavljača isti će platiti ugovornu kaznu u skladu sa Zakonom o obligacionim odnosima u iznosu od 1‰ naručene usluge za svaki dan kašnjenja do urednog ispunjenja s tim da ukupan iznos ugovorene kazne ne može prijeći 10% od ukupno ugovorene vrijednosti usluge koja je predmet narudžbe.

Odabrani dobavljač je dužan platiti ugovorenu kaznu u roku od 7 (sedam) dana od dana prijama zahtjeva za plaćanje od ugovornog organa.

Ugovorni organ neće naplatiti ugovorenu kaznu ukoliko je do kašnjanja došlo usljed više sile. Pod višom silom se podrazumjeva slučaj kada ispunjenje obaveza postane nemoguće zbog vanrednih vanjskih događaja na koje izabrani ponuđač nije mogao uticati niti ih predvidjeti.

OBAVEZE DOBAVLJAČA

Član 7.

Vršilac usluga se obavezuje:

- Da će usluge iz člana 2. ovog Ugovora izvršiti u skladu sa važećim zakonskim propisima, normativima i standardima za ovu vrstu posla;
- Dostavi 2 (dva) primjerka elaborata postojećeg stanja terena uz saobraćajnicu – Aleja veterana u printanoj formi i 1 primjerak CD-a;
- Dostavi 2 (dva) primjerka elaborata šahtova uz saobraćajnicu Aleja veterana u printanoj formi i 1 primjerak CD-a;
- Dostavi 2 (dva) primjerka elaborata Iskolčenje puta u dužini od 300 m uz novih 55 duluma kč 774/1 u printanoj formi i 1 primjerak CD-a;
- Dostavi 2 (dva) primjerka elaborata postojećih saobraćajnica i linije grobnih mjesta za projektovanje 700 grobnih mjesta – Aleja veterana u printanoj formi i 1 primjerak CD-a;
- Dostavi 2 (dva) primjerka elaborata Iskolčenje 700 grobnih mjesta – Aleja veterana u printanoj formi i 1 primjerak CD-a;
- Dostavi 2 (dva) primjerka elaborat postojećeg stanja i snimanje sloja i obračun masa parkinga ispred krematorija parkinga u printanoj formi i 1 primjerak CD-a;
- Dostavi 2 (dva) primjerka elaborat sloja i obračun masa kompletnog parkinga sa izradom poprečnih profila u printanoj formi i 1 primjerak CD-a

OBAVEZE UGOVORNOG ORGANA

Član 8.

Ugovorni organ se obavezuje da osigura sredstva za plaćanje, u skladu sa načinom plaćanja (definisanim članom 4. ovog Ugovora).

RASKID UGOVORA

Član 9.

Ugovorni organ ima pravo raskinuti ovaj Ugovor u sljedećim slučajevima:

- ako Dobavljač ne izvrši ugovorene obaveze iz ovog Ugovora u predviđenom roku, a koje nisu rezultat kašnjenja preuzetih obaveza Ugovornog organa;
- ako Dobavljač ne izvrši uslugu kvaliteta datog u Ponudi;
- ako poslije djelovanja više sile nije moguće nastaviti realizaciju Ugovora.

Ugovor može biti raskinut izjavom Ugovornog organa ili Dobavljača u pisanoj formi.

Izjava mora sadržavati razlog raskida Ugovora.

U slučaju raskida Ugovora ugovorne strane su saglasne da ni jedna strana drugoj neće dugovati nikakvo obeštećenje niti nadoknadu i da će u svemu izmiriti međusobne obaveze.

RJEŠAVANJE SPOROVA

Član 10.

Ugovorne strane su saglasne da će eventualne sporove rješavati međusobnim dogovaranjem, u skladu sa dobrim poslovnim običajima.

U slučaju da ugovorne strane ne postignu dogovor o spornim pitanjima, za rješavanje spora nadležan je sud u Sarajevu.

ZAVRŠNE ODREDBE

Član 11.

Na sve što nije određeno ovim Ugovorom, primjenjuju se odredbe Zakona o obligacionim odnosima.

Član 12.

Ovaj Ugovor se stupa na snagu danom obostranog potpisivanja Ugovora, od strane ovlaštenih lica ugovornih strana.

Član 13.

Ovaj Ugovor je sačinjen u 6 /šest/ istovjetnih primjeraka od kojih Ugovornom organu pripadaju 4 /četiri/ primjerka, a ostala 2 /dva/ Dobavljaču.

U znak prihvatanja svih prava i obaveza iz ovog Ugovora, ugovorne strane ga svojeručno potpisuju.

UGOVORNI ORGAN:

KJKP „POKOP“ d.o.o. Sarajevo

direktor, Goran Cerić

Broj, 0602-4872-6/20

Sarajevo, 04.12.2020. god.

DOBAVLJAČ:

IGA-3D" d.o.o. Ilijaš

direktor, Semir Turbo

Broj, 07-12/20

Ilijaš, 07.12.20 god.